

S LO


Afl. 1.25

BRIYANDO FUERTE • TRECIENDO CLARIDAD
DIAMARS 2 APRIL 2024


Di Pueblo

SOLO SALUD

**EPIDEMIA NOBO?
E CASONAN DI UN MALESA
RESISTENTE NA ANTIBIOTICO TA
AUMENTANDO NA CHINA**



WWW.SOLODIPUEBLO.COM



SOLODIPUEBLO@GMAIL.COM

INDIGNACION Y RABIA PA E CACHO CU A MURI DEBI NA MALTRATO DI UN POLITICO RIBA LISTA DI MARISOL



E DI TRES MORTO DEN TRAFICO



ACCIDENTE SERIO NA KUDAWECHA A LAGA VARIOS PERSONA HERIDA ATRAS



SOSPECHOSO BUSCA PA JUSTICIA RELACIONA CU UN CASO DI INTENTO DI ASESINATO A SER DETENI NA SAN MIGUEL

TRAHADOR A CAY FOR DI STELLAGE DURANTE TRABAONAN DI CONSTRUCCION NA UN CAS NA TANKI LEENDERT



MINISTER ENDY CROES A RICIBI INFORMACION DI E DI DOS GRUPO DI MAESTRO CU TA SIGUIENDO E “MASTER OF SCIENCE IN EDUCATION PROGRAM” DI WAYNE STATE COLLEGE DI NEBRASKA

: Recientemente, Minister Endy Croes a ricibi bishita oficial di dr. Midge Simmons, kende ta “Assistant of the Dean” di Wayne State College di Nebraska, docente di IPA Sra. Roke Hoen y Sra. Darrelyn Maduro, kende ta coordinado y facilitado di e Master of Science in Education (MSE). E “Curriculum & Instruction - Instructional Leadership” na Aruba a ser ehecuta cu sosten di Minister di Enseñansa Endy Croes y Wayne State College den colaboracion cu Instituto Pedagogico Arubano (IPA). Desde juni di aña 2023, dr. Midge Simmons, ta eherce e funcion nobo di coordinado di e “Master of Science in Education Program”. Durante e encuentro, dr. Simmons a informa mandatario di Enseñansa di e desaroyonan positivo di e di dos grupo cu ta siguiendo e “Master Program” na Aruba. Nan ta grupo “Aruba 02 Community” cu ta conta cu participacion di 13 maestro y/of docente di scol preparatorio, scol basico, scol basico special y scol secundario di havo/vwo 4. E gruponan di MSc in “Education Aruba” 01 y 02 a siña hopi teoria,

metodologia y practica innovativo cu nan ta aplica y asina hunto construi conocimiento nobo cu ta pas bon den e contexto y cultura di Aruba y ta aporta na Minister Endy Croes su vision di Plan Educacion Nacional (PEN) 2030.

Ademas di esaki, Sra. Hoen a informa Minister Endy Croes di nan deseo pa haya e oportunidad pa guia un grupo di e graduadonan di Aruba 01 y futuro graduadonan di Aruba 02 hunto den un scol cu un concepto nobo, den cual nan por desaroya un ambiente di siñamento“ cu enfoka riba inclusion, igualdad y desaroyo di bienestar social emocional y mental. Un caminda unda cada mucha ta ricibi e posibilidad pa desaroya su mes optimalmente pa ta exitoso. Den e sistema di enseñansa tradicional ainda tin e ideologia di “one size fits all”. Ta manera nos ta puntra un pisca, un olifante, un lagadishi of un trupial pa nan bula halto y canta bunita pa nan por gradua, mientras cu nan tur ta diferente y tin habilidad- y talentonan diferente cu ta importante, pero no ta haya e oportunidad di demonstra



esakinan. Asina tambe cada mucha ta diferente, ta desaroya diferente y tin su talento- y necesidadnan specifico cu merece atencion. Den cuadro di esaki, Minister Endy Croes a elabora riba e exito di Educampus cu tin un otro manera di traha. Tambe, e mandatario di Enseñansa a indica cu ta dificil pa financia un scol nobo, pero nan por presenta un plan y e ta dispuesto pa wak esaki y sondea e posibilidadnan.

Ademas di esaki, Sra. Hoen a informa Minister Endy Croes di e programa Stima mi, Guia mi cu ta un iniciativa di Kiwanis Club of Palm Beach y ta un curiculo innovativo p’e mayornan y nan yiu di 0 pa 4 aña. Sra. Hoen a desaroya y ehecuta e proyecto

aki hunto cu Fundacion pa nos Muchanan, Tienda di Educacion, Respeta Mi, Wit Gele Kruis y Centro pa Hoben y Famia. Desde aña 2021, nan ta ofrece e programa aki gratis na mayornan pa nan por sostene e desaroyo di e cerebro di nan yiu na un manera optimal, stimula desaroyo positivo y bienestar social-emocional, mental, cognitivo y fisico di nan yiu pa medio di ta un mayor sensitivo responsivo. E programa aki ta basa ariba “Evidence-based best practices” di “Parenting” pa pone e fundeshi pa un desaroyo sano, positivo y un carera escolar y futuro exitoso p’e muchanan. Por ultimo, a invita e mandatario di Enseñansa pa asisti e graduacion di e grupo 2 di WSC otro aña.

SOSPECHOSO BUSCA PA JUSTICIA RELACIONA CU UN CASO DI INTENTO DI ASESINATO A SER DETENI NA SAN MIGUEL

Diabierna Santo mainta un unidad di strandpolitie na San Miguel a bin topa cu un sospechoso cual ta ser busca pa justicia relciona cu intento di asesinato. Mesora polis a detene e sospechoso y a pidi e vehiculo di transporte. Na yegada di e vehiculo di transporte a hib’e prome na un fiscal auxiliar na Strandpolitie y despues a hib’e na warda di recherche apa e investigacion.



—- Cuerpo Policial Aruba ta informa: —-

DI TRES MORTO DEN TRAFICO

Awe despues di 4'or atardi Central di Polis ta dirigi patruya di Noord, ambulance y Trafico cu maximo urgencia pa un accidente pisa na altura di e supermercado NG y e restaurant Yen Yen situa na Kamay. Na yegada di e prome unidad ta mira dos auto involucra den e accident. Un auto marca Nissan, modelo almera color shinishi numera A-24490 y un Honda, modelo CRV, color cora numera A-52927.

Lamentablemente muchu mas ambulance no por a haci pa e chauffeur involucra den e accident. Pa 5'or Dr. Texier ta constata morto di e cabayero Marco Marceliano TROMP, naci na Aruba dia 17 juni 1943 di 80 aña di edad.

slachtofferhulp, BFTO, specialisa di trafico tambe a bin na e sitio di accidente pa haci nan investigacion y brinda sosten. Esaki ta bira e di tres morto den trafico pa aña



2024. Un mensahe pa tur automobilista pa maneha tranquil, comporta y sigui

reglanan di trafico. Cuerpo Policial Aruba ta manda palabranan di

condolencia pa e famia di e fayecido.

INDIGNACION Y RABIA PA E CACHO CU A MURI DEBI NA MALTRATO DI UN POLITICO RIBA LISTA DI MARISOL



Aruba a keda den shock y rabia despues di e morto di e cacho di nomber Khalisee, un cacho cu a bira victima di negligencia y abuso. No obstante esfuersonan di cuidadoranan Jacqueline y Zoey, hunto cu asistencia di veterinario Contreras, e condicion di Khalisee a deteriora y a yega na


su fin. E noticia a laga un comunidad den pena y dolor, sclamando pa busca hustisia pa e animal inocente.

E incidente doloroso a sosode ora Khalisee a wordo descubri mara na un palo cu su garganta severamente herida pa e

cadena cu tabata mare. E bista di su sufrimento a causa shok den henter Aruba, ocasionando consternacion y rabia.

E autor tras di e sufrimento di Khalisee a wordo identifica como Alberto Groeneveldt, un figura publico alaves politico cu lazonan cu Marisol Lopez Tromp. E asosiation cu personanan influensialnan a intensifica solamente e protesta publico. Mientras yamada pa hustisia ta resonando, Aruba ta recorda su compromiso pa mantene leynan contra maltrato di animal. E incidente a pone enfasis di e importancia di accion rapido y desisivo pa asegura e proteccion y bienestar di tur animal den cominidad.

Entre e tristeza over di e destino tragico di Khalisee,



ta keda un raya di speranza mientras Arubano ta uni den solidaridad pa honra su memoria y aboga pa un futuro unda actonan asina di crueldad ta wordo

condena. Laga e legado di Khalisee sirbi como un lagrima di unidad pa compacion y hustisia na Aruba y mas leu.

Prome Minister Evelyn Wever-Croes:

GOBIERNO TA CONTA CU SOSTEN DI COMUNIDAD PA YUDA DEN E LUCHA CONTRA ABUSO DI MENOR

"Pa Gobierno ningun tipo di abuso ta aceptabel, pero ta importante pa por conta cu e pueblo di Aruba pa yuda den e lucha aki"



Na final di e conferencia di prensa di Gobierno di Aruba riba e tema di Luna Nacional di Conscientisacion Contra Abuso di Mucha, Prome Minister Evelyn Wever-Croes a gradici tur e profesionalnan cu tabata presente pa duna nan parti, den comparti informacionnan valioso cu e comunidad. Tambe, el a gradiciture profesionalnan cu no tabata presente pero cu tambe ta traha duro den e lucha pa combati abuso/abuso sexual di menor. Esaki ta un tema cu ta yega hopi serca di Prome Minister su curason, y pesey, como mandatario di pais Aruba, e ta comprometi pa sigui traha na bienestar di nos muchanan.

Tambe, Prome Minister a haci un yamada na comunidad en general pa duna di nan parti den yuda Gobierno y instancianan concerni pa bringa efectivamente tur

tipo di abuso di mucha. Pa Gobierno ningun tipo di abuso ta aceptabel, pero ta importante pa por conta cu e pueblo di Aruba pa yuda den e lucha aki. Como ciudadanonan orguyoso di pais Aruba, ta importante pa cada un compromete nan mes den proteha nos muchanan, percurando asina pa nada malo pasa nan, y ofrecenan tur clase di amor y cariño, pa asina nan por crece y bira adultonan cu por carga e pais aki.

En conexion cu Luna Nacional di Conscientisacion Contra Abuso di Mucha, lo tin varios actividad den luna di April. Si tin cualkier persona interesa den organisa un actividad relaciona cu e tema aki, por contact e instancianan concerni, of Gobierno pa cualkier asistencia. Importantetapaemensahe ta uno cla y cu e por yega na cada ciudadano, conscientisando asina e comunidad en general.

E tema aki no ta uno facil, y pa esnan cu a pasa aden, e ta un dolor grandi, y pa cu esaki Gobierno ta compromete su mes pa yuda den percura cu niun mucha mas ta bira victima di abuso.

Aruba ta conta cu sosten di henter comunidad den e lucha contra abuso di menor.



STATEN VAN ARUBA

**OPENBARE VERGADERING OP 16 APRIL 2024 OM
09:00 UUR V.M. IN DE VERGADERZAAL VAN DE STATEN VAN ARUBA**

TE BEHANDELEN ONDERWERP

Agenda:

Toelichting door de Minister van Arbeid, Energie en Integratie, dhr. G.F. Croes over zijn aanpak van het immigratiebeleid. Op verzoek van fractie-MAS en de fractie-AVP (IS/502/22-23, d.d. 15 februari 2023)

De Griffier,

mr.drs. Herman Ch. J. Hek

EVACUACION MEDICO 29 DI MAART

29 di maart 2024
Den ora nan di atardi, Centro Operacional Maritimo (MOC) di Wardacosta, a ricibi un mensahe pidiendo asistencia medico. Ta trata di un pasahero Aleman di 66 aña di edad riba un barco crucero, biniendo for di direccin nort di Aruba. Inmediatamente a tuma contacto cu doctor na warda di CITRO, cu a constata (despues di

a evalua e situacion cu e team di medico riba barco) cu ta trata di un atake (stroke). Inmediatamente a manda e helicopter pa evacua e persona.

Miembro nan di ambulance a ricibi e pasahero na Queen Beatrix International Airport i a hiba e turista hospital, pa ricibi tratamiento medico.



GOBIERNO A CONFIRMA E EXISTENCIA DI LEYNAN PA CASTIGA ABUSADOR DI ANIMALNAN NA ARUBA BY REDACCION CUATRO -APRIL 1, 2024111 0

Artikel 2:335

1. Met gevangenisstraf van ten hoogste zes maanden of geldboete van de derde categorie wordt gestraft:

a. hij die, zonder redelijk doel of met overschrijding van hetgeen ter bereiking van zodanig doel toelaatbaar is, opzettelijk een dier

163

AB 2012 no. 24

CENTRAAL WETTENREGISTER

28 september 2021

pijn doet, letsel bij een dier veroorzaakt of de gezondheid van een dier benadeelt;

b. hij die zonder redelijk doel of met overschrijding van hetgeen ter bereiking van zodanig doel toelaatbaar is, opzettelijk aan een dier, dat geheel of ten dele aan hem toebehoort en onder zijn toezicht staat of aan een dier, tot welks verzorging hij verplicht is, de nodige verzorging onthoudt.

2. Het dier kan, indien het de schuldige toebehoort, worden verbeurdverklaard.

Como contesta na e suceso di maltrato di animal cu a conmociona Aruba, gobierno confirma cu tin leynan na vigor pa castiga abusadornan di animal.
Apesar di e percepcion di algun hende cu no tabatin leynan pa hasi husticia, e autoridadnan a confirma e leynan destina pa proteha e animalnan y castiga esnan cu maltrata nan.
Awor, Ministerio Público ta asumi e responsabilidad pa actua cu firmeza y determinacion pa cumplí cu e leynan aki y pa garantisa cu eculpabel enfrenta e consecuencianan di su actonan.
Comunidad ta spera cu e leynan aki wordo aplica cu firmesa y ta sirbi como un medio efectivo pa preveni futuro actonan di crueldad contra animalnan.
Aki nos ta pública e ley e cuestión.

ARMONIA
Y BELLEZA SALON & SPA

SERVICES

- Massage therapies
- Facial treatment
- Hair style
- Pedicure & manicure treatment
- Makeup & waxing

For More Details:

☎ # 5684142 (WhatsApp)

✉ armoniaybellezasalonspa@gmail.com

📍 Shiribana 12 b, Aruba

Prome Minister Evelyn Wever-Croes: En conexion cu Luna Nacional di Conscientisacion Contra Abuso di Mucha **SEÑORA LISETTE GOMES TA INVITA COMUNIDAD EN GENERAL PA UNI NA E LUCHA CONTRA ABUSO DI MENOR, BISTIENDO BLAUW DIA 12 DI APRIL VENIDERO**



- Durante un conferencia di prensa di Gobierno di Aruba, riba e tema di abuso/abuso sexual contra menor, señora Lisette Gomes, presidente di comision "sexueel

misbruik minderjarigen" a expresa di ta sumamente contento cu Gobierno di Aruba a decreta luna di April como Luna Nacional di Conscientisacion Contra Abuso di Mucha.

Señora Gomes a splica cu e luna di April, internacionalmente, ta decreta caba como luna di conscientisacion, y pa Aruba tambe decreta esaki oficialmente ta algo sumamente grandi y significativo. Prevencion y conscientisacion ta di suma importancia den e

lucha contra abuso contra menor, y pa nos yega na nos muchanan, mirando cu hopi biaha mayornan no ta para bandi e mucha door cu e abusador ta un famia. Esaki sigur ta comprendibel pasobra e ta haci dolor na momento cu bo mesun tata of ruman ta mishi cu bo yiu.

En conexion cu e luna aki, e comicion contra abuso di mucha, ta pidi comunidad completo pa dia 12 di April, tur hende bisti na blauw, pa asina crea conscientisacion pa cu e abuso aki. E dia aki lo crea un oportunidad pa

muchanan haci pregunta cu pakico mester bisti blauw, y kico ta abuso sexual di mucha.


E tema aki ta un taboo ainda den nos sociedad paso ta riparable cu ora menciona esaki, hendenan ta spanta, pero e ta yuda mas si tur hende ta habri pa e topico aki pa asina nos por haci nos muchanan fuerte suficiente pa nan para pa nan mes.

"E ta nos meta pa haci nos muchanan mas fuerte na unda cu nan mes ta bay para e abuso aki. Nan

mester para firme y bisa no, y aserca un adulto riba esaki, evitando asina pa e situacion bira mas pio. E comicion a haci investigacionnan y ta trahando incansabel riba e tema aki, y nos lo sigui duna conseho na Gobierno riba tur loke no ta bayendo bon.

Nos ta haya varios informacion di parti di comunidad, cu ta yuda den e lucha pa evita mas tanto abuso posibel", señora Gomes a expresa.


PICK-UP A DAL TRAS DI UN SUV NA ALTO VISTA



Diabierna mainta a drenta informe di un accidente na

Alto Vista. Mesora a dirigi un patruya na e sitio.

Na yegada di e patruya a bin compronde cu chauffeur di un pick up lo no a regula velocidad ni mantene distancia y a dal tras di un SUV. Afortunadamente ningun persona a resulta herida. Patruya a tuma datos di e accidente aki.



TRAHADOR A CAY FOR DI STELLAGE DURANTE TRABAONAN DI CONSTRUCCION NA UN CAS NA TANKI LEENDERT



Diaranson mainta a drenta informe di un incidente na un cas den construccion na Tanki Leendeert, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un caso unda un trahador haciendo trabao riba un stellage cu no tabata tin suficiente planki a cay y tabata sinti dolor na su lomba ambulans tabata tey caba y a atende e victima y a transporte pa hospital.

A.T.A: ESTADISTICA DI TURISMO PA FEBRUARI 2024

Den e prome kwartaal di 2024, por spera cifranan prometedor y solido pa turismo como e pilar di entrada primordial y di suma importancia pa economía di Aruba. A.T.A. ta pone hopi énfasis riba e modelo di “High Value-Low Impact” cu ta para pa un balans entre cuater pilar cu ta e ‘Calidad di Bida di e residente’, ‘Calidad di Experiencia di e Bishitante’, Proteccion y Preservacion di Naturalesa & Medio Ambiente, y Contribucion Economico di e Sector Turistico’.

E meta ta pa sigui mantene esfuertonan den linea segun e balans menciona, y logra aumenta e entrada proporcionalmente mas cu e volumen cu nos destinacion ta ricibi. Capacidad di carga tambe ta sigui ricibi atencion di parti di A.T.A. di diferente manera.

VOLUMEN (“STAYOVER”) TA CRECE CU 20.7% DEN FEBRUARI 2024 COMPARA CU FEBRUARI 2023

E demanda pa Aruba ta sigui ta sumamentefuerte!Ytasiguisurpasa expectativa. Conforme e demanda por mira tambe con aerolineanan a sigui expande capacidad Aruba y asina permitiend nos captura e demanda halto. Te cu februari 2024, Aruba a ricibi un total di 241,343 bishitante “stayover”, esaki ta un crecimiento di 20.7%, compara cu te cu februari 2023, unda a ricibi 199,942 bishitante “stayover”.

ENTRADA (“TOURISM CREDITS”)

Ta midi entrada, es decir e ‘calidad’ di bishitante’, na diferente manera. Entre otro locual bishitantenan ta dispuesto pa paga pa un anochi di estadia y entre otro pa medio di Tourism Credits registra pa Banco Central di Aruba. Den Q3 di 2023, Tourism Credits a aumenta cu 3% si compara e mesun periodo na 2022. Den e periodo di Q1 te cu Q3 di 2023, Tourism Credits a aumenta cu 13% si compara mesun periodo na 2022. Pronto A.T.A.

lo ricibi estadística defini pa por raporta ‘Tourism Credits’ di Q4 di 2023 compara cu Q4 di 2022. Den 2024 lo continua cu comparacion di cifranan di ‘Tourism Credit’ cu 2023. A base di analysis di A.T.A., por spera di sera 2023 cu un subida di 34% compara cu 2019.

AVERAHE DI PATRONCHI DI GASTO PA CADA BISHITANTE DEN 2023

Visa Credit card su averahe den gasto pa cada cardholder a yega na un suma di \$690 den 2023. Si mira entrada general di VISA por nota un crecimiento di 13.8% compara cu año 2022.

MERCADONAN Y CATEGORIANAN DI ACOMODACION


Den februari 2024, 81.3% di e total di e bishitantenan “stayover” pa Aruba a bishita for di Norte America, 5.1% a bishita for di Europa, 11.4% a bishita for di Latino America y 2.2% tawata procedente di otro partinan di mundo.

Mirando e categorianan di acomodacion, den januari 2024 19.1% di bishitante a keda den hotelnan European Plan, 14.2% a keda den hotelnan All-Inclusive, 30.7% a keda den Timeshare y 36% a keda den otro tipo di acomodacion, conoci tambe como short-term vacation rentals (STVR).

SHORT-TERM VACATION RENTALS

A.T.A. tin acceso na un plataforma unda por wak e cantidad di cas, apartamento y villas cu ta wordo uza como vacation rentals como tambe e prijs averahe pa anochi, e ocupacion y un calculacion di e entrada cu esakinan ta genera. Den 2023, segun un estudio, A.T.A. a logra actualisa inventario di Condominiums existente y condominiums cu actualmente ta na caminda pa realisacion, y lista actualisa di lugar di estadia cu no ta un hotel pero cu si ta disponibel na e turista cu ta keda na Aruba pa

Short-term Vacation Rentals						
	2019	2020	2021	2022	2023	2024
Occupancy	65.6%	58.6%	48.4%	66.0%	71.6%	78.2%
Revenue	6,318,830	9,015,259	8,193,434	13,751,257	18,901,281	22,005,276
ADR	182.68	208.88	222.36	230.30	261.58	283.52



un corto tempo.

Sicomparafebruari2024cufebruari 2023 por wak cu e ocupacion averahe di e acomodacionnan aki a subi cu 6.6 punto di porcentahe, for di un averahe di 71.6% na februari 2023 pa un averahe di 78.2% na februari 2024.

Den caso di entrada, si compara febuari 2023 cu februari 2024 por wak cu e categoria a genera un crecimiento den entrada di 16%.

TOCANTE ARUBA TOURISM AUTHORITY (A.T.A.)

Desde 1 di januari 2011, Aruba Tourism Authority ta opera como un entidad ‘Sui Generis’. Un organizacion independiente den e esfera publico. Aruba Tourism Authority ta fungi como ‘Destination Marketing

and Management Organization (DMMO)’ y ta responsabel pa uni interes turistico entre socionan local e internacional. A.T.A. ta pone hopi énfasis riba e modelo di “High Value-Low Impact” cu ta para pa un balanse entre aumenta e balor economico di e bishitante, posiciona Aruba como un pais desea y sostenibel, y posiciona Aruba como lider di desaroyo como un destinacion. Cu meta pa sigui mantene esfuertonan den linea segun e balanse menciona, y logra aumenta entrada pa medio di calidad di turismo en bes di e volumen cu nos destinacion ta ricibi. Capacidad di carga ta sigui ricibi atencion di parti di A.T.A. Pa ricibi A.T.A. su ‘Statistical Monthly Report’ tur luna, por contacta Melanie Kelly na m.kelly@aruba.com

A.T.A.: CERA CONOCI CU E GANADORNAN DI ARUBA

SIGNATURE EXPERIENCES EDICION 3

‘A.T.A. a firma acuerdo cu 5 compania’



Na aña 2021, Aruba Tourism Authority (A.T.A.) y Qredits Aruba a introduci e programa “Aruba Signature Experiences” cu e meta pa encurasha entrepreneurnan pa enfoca riba experiencia unico y inolvidabel pa nos bishitantenan.

E programa “Aruba Signature Experiences” ta consisti di dos (2) componente clave. Participante nan ta cuminsa cu e curso “Small Business Academy” di Qredits Aruba, caminda ta adkiri abilidad y conosemento pa desaroya nan Business Plan y Financial plan pa e negoshi proponi. Abase di e negoshi y concepto nan cu ta wordo entrega na fin di e curso, un commission ta evalua e concepto nan cu ta den linea cu e strategia di Niche Marketing di A.T.A. pa yega na remarke pa ta un di e ganadornan di e “Aruba Signature Experiences” program y ricibi marketing coaching y marketing support di A.T.A.

Pa diversifica e mercado turistico

pa Aruba, a identifica various segmento niche cu lo atrae mas bishitante di calidad, genera mas entrada pa nos isla y na mes momento tin un impacto mas positivo ariba nos medio ambiente. E segmento niche nan identifica pa Aruba ta inclui weddings, culinary, wellness, y eco-conscious tourism. Cu esaki te desea di mantene Aruba como un destinacion competitivo y atractivo, mientras ta promove un turismo sostenibel.

Un total di 20 participante a sigui e curso di Qredits Aruba “Small Business Academy” como e parti esencial di e trayectoria. Sigui pa entregamento di un “Business plan” y “Financial plan” na Qredits Aruba. Como experto den e area di finanzas y e sector empresarial, Qredits Aruba a propone e lista final di e miho candidatonan pa “Aruba Signature Experiences”. A conta cu participantenan cu plan y ideanan nobo como tambe plan y ideanan ya estableci. Na final, a conta cu 5 participante cu a wordo nombra como ganadornan di e “Aruba Signature Experiences” y cu lo ricibi apoyo di A.T.A. pa cu nan plan di mercadeo.

A.T.A. ta contento di anuncia e siguiente ganadonan cu ta bira tambe mas pioneronan di “Aruba Signature Experiences”; Jamie Bareño cu a presenta un plan pa JB Spiritual Academy cu e servicio di preparashon y ceremonia di casamento spiritual dirigi na e mercado afluente, LGBTQ y Neurodivergent. NATURA Yoga Club & Personal Fitness Training Janine Valecillos Digier a presenta un plan cu ta ofrece servicionan relata na bienestar, Milouska Briezen cu a presenta un plan pa crea un plataforma cu lo facilita e bishitante den crea itinero



personalisa pa experiencianan unico cu Aruba tin pa ofrece, AruFlamingo Art di Boris Wever cu a presenta un plan caminda cu e bishitante por crea su propio souvenir y creacion di diferente arte cu ta inclui uso di material recicla, y por ultimo Museo Cas Tan Tin cu ta wordo patrocina pa Fundacion Mi Cutisa, cu ta promove cultura y herencia caminda cu bishitante nan por experiencia e bida tradicional di antes na Aruba.

Inscripcion pa e siguiente programa di “Aruba Signature Experiences” lo ta disponibel durante cuartal 3 di 2024. Di e forma aki, Aruba Tourism Authority (A.T.A.) y Qredits Aruba ta encurasha empresarionan pa participa, y ta felicita e ganadornan di e di tres edicion di “Aruba Signature Experiences” program. Desde lanzamiento di e programa na aña 2021, pa medio di e “Aruba Signature Experiences” a yuda 11 compania cu nan concepto.

Tocante Aruba Tourism Authority (A.T.A.)

Desde 1 di januari 2011, Aruba Tourism Authority ta opera como un entidad ‘Sui Generis’. Un organizacion independiente den e esfera publico. Aruba Tourism Authority ta fungi como ‘Destination Marketing and Management Organization (DMMO)’ y ta responsabel pa uni



interes turistico entre socionan local e internacional. A.T.A. ta pone hopi enfasis riba e modelo di “High Value-Low Impact” cu ta para pa un balanse entre aumenta e balor economico di e bishitante, posiciona Aruba como un pais desea y sostenibel, y posiciona Aruba como lider di desaroyo como un destinacion. Cu meta pa sigui mantene esfuertonan den linea segun e balanse menciona, y logra aumenta entrada pa medio di calidad di turismo en bes di e volumen cu nos destinacion ta ricibi. Capacidad di carga ta sigui ricibi atencion di parti di A.T.A.

MINISTER ENDY CROES A ATENDE E CELEBRACION NACIONAL DI DIA MUNDIAL DI TEATRO



Diaranson ultimo, Minister di Enseñansa y Deporte Endy Croes hunto cu su esposa Dilailah Croes a atende e Celebracion Nacional di Dia Mundial di Teatro na Cas di Cultura. E evento aki tabata organisa pa Departamento di Cultura Aruba y UNSECO,

dedica specialmente na Educacion Superior di Teatro. Minister Endy Croes a representa Minister di Finanzas y Cultura Xiomara Maduro y hiba palabra.

Durante e ocasion special aki por a aprecia

18 diferente monologo di arte entre otro, Sra. Marilis Becker, Sra. Adriana Cerereste, Sr. Charles Croes, Sra. Judith Werleman, Sra. Shjakayne Manuela, Sra. Joan Danies, Sra. Satya Heinze, Sra. Indra Stamper, Sr. Daylan Krtozendijk, Sr. Mario Flores, Sr. Igmarr Maduro, Sr. Ferdinand

Franca, Sr. Tuesday Irwin, Sra. Carolina Coulon y Sra. Natusha Croes.

Ademas di esaki, cantante Sra. Karena Maduro a deleita tur presente cu e bunita cancion Un Bon Arubiano. Na final di e anochi, Minister Endy Croes a haci entrega di diferente premio.

Un anochi hopi bunita, unda por a disfruta di e talento di nos artistanan local. Minister Endy Croes ta felicita nos artistanan local cu ta celebrando 20 aña di Dia Mundial di Teatro y ta felicita tur artista cu nan bunita presentacion.

CHAUFFEUR A PERDE CONTROL Y AUTO A BAY DAL RIBA TRAFICO CONTRARIO Y TIN HENDENAN HERIDA

Diahuebs anochi a drenta informe di un accidente cu hende herida na Bushiri, mesora a dirigi tanto polis como ambulans na e sitio. Na yegada di e patrulla a bin compronde cu aki ta trata di un accidente unda cu e chauffeur coriendo cu velocidad halto a perde control den e bochtan y a bay dal basta fuerte riba un auto contrario. Debi na e fuerte impacto algun persona a resulta herida. Na yegada di e ambulans nan a atende e personanan herida.



ACCIDENTE SERIO NA KUDAWECHA A LAGA VARIOS PERSONA HERIDA ATRAS



Na yegada polis a bin topa cu e accidente poco mas pabou di e veld di Kudawecha.

Tawata trata di un Nissan Cube y un Hyundai accent. Varios persona a resulta herida den e accidente aki, unda cu tawata tin mes-ter di varios ambulance y tambe Rapidresponder pa por a yuda.

Na e sitio polis a controla un di e chauffeurnan y ta bin resulta cu ora a lage usa e Alco-Sensor esaki a surpasa e limite stipula. Eynan mes e la wordo de-teni.

Ambos vehiculo a sufri bastante daño material, unda cu e Hyundai debi na e impacto a bay dal contra un cura di cas kibrando e meter di awa.

E caminda aki di Kudawecha ta uno cu unda hopi



Kudawecha - Diasabra merdia den careda di 1'or polis y ambulance a sali cu urgencia pa Kudawecha, unda a sosode un acciden-te serio entre dos auto.

accidente serio a tuma fatal. luga y tambe cu finalnan

Accidente cu hende herida pa falta di preferencia na Blumond



Diaranson atardi a drenta informe di un accidente cu hende levemente herida na Blumond, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda e dama chauffeur cu baby den auto a sali sin duna preferencia na un pick-up y nan a dal den otro. Como cu den e March tabata tin



Na caminda pa Aruba International Regatta 2024



Aruba International Regatta lo tuma lugá riba diabierna 28 di juni te cu 30 di juni na Surfside Beach.

Un evento cu sigur hopi amante di lama y di nabegacion ta anticipa, sigui pa dos día di careda riba

diasabra 29 di juni cual lo bira e promé día, y diadomingo 30 di juni e di dos día di careda.

Regatta ta tumando lugá un poco mas trempan e aña aki pa coresponde cu e final di e aña escolar, asina dunando espacio pa hobennan cu ta nabega participa den e comienso di nan vacacion di scol.

E localidad di Regatta Village a wordo movi pa e beach dilanti di Neptali Henriquez Park. E segmento ey di e beach ta



hopi apropiá pa loke ta e evento, cu amplio parkeo. Regatta ta invita tur nabegado for di Corsou, Bonaire y otro islanan pa participa den cualkier di e categorianan di Optimist Youth, F11 Youth, Beachcats, Sunfish, Laser, Race Class I (Yachts), Cruis-

ing Class (Yachts), Live Aboard Class (Yachts), Multihull (Yachts), y Miniature Boats.

Pa mas informacion:
<https://www.facebook.com/arubaregatta/>
<https://aruba-regatta.org/>
<https://www.instagram.com/arubainternational->

Chauffeur burachi a baha caminda dal riba un van staciona heridando un dama sinta den dje!

Diaranson madruga a drenta informe di un accidente cu hende herida dilanti Ruiz Take Away na Tanki Leendert, mesora a dirigi tanto polis como ambulans na e sitio. Na yegada di e patrulla a bin compronde cu aki ta trata di un accidente unda cu un chauffeur burachi bayendo nort a baha caminda na man drechi y a bay dal frontal riba un van. Den e van tabata tin un dama sinta sin faha di seguridad y door di e impacto ela bay dal su cabes y a haya un kap. Na yegada di e ambulans nan a atende y a transporte pa hospital. Polis a detene e chauffeur burachi.



CHAPI Y VERF HANDY MAN

Nos ta haci tur sorto di chapi y verf cas, edificio, school.

Nos ta tira sushi afo.

Cel: 561-1397

Fiesta Rotaria 2024 ta diadomingo 14 di april



ORANJESTAD (1 di april 2024) – Aruba prepara pasobra un di e eventonan mas spera di aña ta yegando. Cu hopi animo y orguyo Rotary Club of Aruba ta anuncia cu su grandioso Fiesta Rotaria ta bay tuma lugha diadomingo 14 di april proximo riba e parkeerplaats pafo di Stadion Guillermo Prospero Trinidad na Oranjestad. E esfuersonan di Rotary Club rond di e proyecto, manera semper, a cuminsa for varios luna pasa. No solamente tin un comision trahando riba e parti organisatorio y logistico cual ta crucial, pero tam-

be tur e miembronan ta activo bendiendo tickets di e tradicional rifa. Por a mira nan riba e ruta di Carnaval, canando banda di e prome premio cu ta un auto Chevrolet Groove LT nobo.

Manera ta custumber, e feria lo cubri un espacio grandi pa asina por crea seccion cu ta interes di tur bishitante. Lo tin un feria di cuminda y bebida, un kids corner cu diferente wega pa e muchanan. Naturalmente tambe lo tin e area di mercado popular cu producto nobo of den excelente condicion na prijs di baca flaco. Publico

por spera un variacion di paña, comestibel, articulo di cas, hardware, home-ware, articulo pa mucha y mata.

Tanto e rifa como e feria tin como obhetivo principal y unico pa recauda fondo cu posteriormente Rotary Club of Aruba ta reparti entre numeroso instancia den nos comunidad, aportando asina na diferente meta y proyecto social. Ganado di e premionan cu ta inclui tambe pasashi, estadia na hotel, telefon celular, diferente certificado y premio cash, ta keda anuncia durante un sorteo cu ta tuma lugha



pa 5'or di atardi na e feria y den presencia di notario. Carchi pa e rifa ta obtenibel tur dia na diferente punto rond di Aruba, cerca miembro di Rotary Club of Aruba y si resta, e dia di e feria tambe. Pa e lista completo di punto di benta, por mira esaki riba e perfil di Rotary Club of Aruba riba Facebook y Instagram. Pa solamente 25 florin, bo tin oportunidad di gana un auto nobo, ademá di 13 otro chens di ta un ganado di premio.

Rotary Club Aruba ta probecha e oportunidad aki pa yama danki na tur boluntario cu ta coopera cu e realisacion di e feria, pero sigur un danki di curason tambe ta bay na tur patrocinado y socio comercial cu ta aporta sea financieramente, cu ekipo, producto of labor. E invitacion ta keda na Aruba henter pa asisti masalmente na

Feria Rotaria 2024 y asina yuda otro y yuda nos isla Aruba.

Tocante Rotary Club of Aruba:

Rotary Club of Aruba ta un asociacion cu desde 1938 ta afilia na Rotary International. E ta consisti di lidernan comercial y profesional cu ta duna di nan mes na servicio humanitario. E ta promove e reglanan mas halto di etica den tur ocupacion y ta contribui na e desaroyo di bon voluntad y pas rond mundo. E tin aproximadamente 1.4 miyon miembro boluntario trahando den mas di 46 mil club na mas di 200 pais y teritorio. E club na Aruba actualmente ta presidi pa Luis Oduber.

Pa mas informacion, tuma contacto cu Jacqueline Raven na 565-3999

Chauffeur a bandona sitio na pia despues di a ocasiona accidente banda di Superfood na Bubali

Diaranson atardi a drenta informe di un accidente banda di Superfood na Bubali, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu un chauffeur no a regula



su velocidad ni a mantene distancia a bay dal tras di

e auto su dilanti. Despues di e accidente e chauffeur



a baha na pia bay lagando e auto atras cu otro hende.

Afortunadamente ningun hende a resulta herida.

Master Eric Barry di San Nicolaas TKD Foundation ta orguyoso di su atleta



Recientemente Xamier Lake di San Nicolaas Taekwondo Foundation a yega bek for di Costa Rica

despues di participa den Presidents Cup cu ta un Campeonato G2. Xamier Lake tin dos aña

ta train cerca Master Eric Barry na e gymzaal di scol basico Santa Teresita.

Aña pasa Xamier Lake a wordo selecta pa drenta Taekwondo Team Aruba. Xamier Lake a drenta den e team di TK5 di Taekwondo Team Aruba y Xamier Lake a bringa contra USA.

E aña aki Aruba a bringa na Surinam y a logra gana e copa di TK5 na Surinam. Dos siman pasa Xamier Lake a bringa den e Presidents Cup na Costa Rica y a logra gana medaya di oro.



Master Eric Barry a muestra e atletanan di promes y di dos les e premionan cu Xamier Lake a logra gana te cu awo.

Master Eric Barry ta orguyoso di e resultadonan di su atleta cu ta representa Aruba den eventonan Internacional.

San Nicolaas Taekwondo Foundation su portanan

ta habri pa un y tur cu kier forma parti di e team di San Nicolaas Taekwondo Foundation.

Master Eric Barry ta duna les tur Dialuna, Diaranson y Diahuebs for di 6'or di atardi te cu 7'or di anochi pa e chikitanan y for di 7'or pa 8'or di anochi pa e adultonan.

Honda Fit a bolter ariba Ave. Nelson O.Oduber



Avenida Nelson O.Oduber - Diadomingo mainta rond di 11'or polis a bay ariba Avenida Nelson O.Oduber pa un auto cu a bolter.a

Na yegada polisnan a haya un Honda Fit pariba di caminda, esta e parti pabou cu ta bay pa Playa. E chauffeur na prome in-

stante a bisa polis cu e lo a pega soño, locual a pone baha caminda y bay bolter pariba di caminda. Na prome instante e tawa-



ta "ok", pero despues di un rato e lo a cuminsa sinti malo y ambulance tawata necesario. Ambulance lamentable-

mente a tarda bastante, y na yegada e chauffeur a wordo hiba Hospitaal, unda lo tin un miho control ariba dje.

Minister Ursell Arends: Colegio Hilario Angela ta Inaugura su Hardin di Alimentacion



Un otro hardin di alimentacion di agroforesteria a ser lansa na un scol basico, promoviendo asina e integracion di practicanan di agricultura sostenibel den e educacion di nos muchanan. Minister Ursell Arends, encarga cu sector primario, ta sostene scolnan pa inculca balor di agricultura sostenibel den e siguiente generacion y ta felicita Colegio Hilar-

io Angela cu su participacion.

Colegio Hilario Angela ta conoci pa su metodo Montessori cual ta enfoca riba, entre otro, independencia di muchanan. Alabes e scol ta subraya e importancia di conecta cu naturalesa. Pues, e proyecto di agroforesteria ta haya su lugar perfecto na Weg Fontein.

Diasabra 23 di maart 2024, e scol a planta un hardin di alimentacion cu sosten di Minsiter Ursell Arends, Santa Rosa, maestronan, studiantenan y miembronan di comunidad. Tur hunto a uni forza, demostrando cu invertiendo den nos muchanan ta un inversion directo den e futuro di nos Pais.


E iniciativa di agroforesteria den e scolnan primario lo sigui cu mas dianan di plantacion, e proximo ta planea pa diasabra 20 di april 2024 na St Paulus Basisschool, cuminsando 7'or di mainta te cu 1'or di merdia.

E hardin di alimentacion na Colegio Hilario Angela ta un testimonio di e dedicacion y esfuerzo colectivo. Minister Ursell Arends ta extende un pa-



labra di gradicimento na Santa Rosa, Living Soil, y specialmente na Colegio Hilario Angela, esta e directora Sra. Conny Aventurin como tambe e coordinador di e proyecto, Sra.

Shaneila Geerman. Danki pa forma parti di un otro diasabra fructifero contribuyendo na e mision pa mehora e nivel di seguridad di alimentacion na Aruba.



	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

3			4			1		
						7		
	8		6					4
2			3	9		6		
4			5					
1		7				9		
						8		
	4						6	
		6	8	1			5	7

Chauffeur coriendo cu velocidad halto a perde control bay cay den parti di Bubali Plas



Diaranson atardi a drenta informe di un accidente banda di ex-House of Cheng's, mesora a dirigi un patruya na e sitio. Na yegada di e patruya a

bin com-pronde cu aki ta trata di un accidente unda cu e chauffeur coriendo cu velocidad halto pasando auto na dado momento

ela perde control y a bay cay den un parti di Bubali Plas.

Afortunadamente ningun hende a resulta herida.




Epidemia nobo?

E casonan di un malesa resistente na antibiotico ta aumentando na China

Un informe nobo di e Centronan pa Control y Prevencion di Malesa di Merca (CDC), ta adverti cu China por ta tras di e aumento mundial di un malesa infeccioso nobo: supergonorea.

Segun e rapport, publica e siman aki, cerca di 96% di e muestranan di bacteria tuma cerca pashent cu e Malesa di Transmission Sexual den 13 provincia Chines, tabata capaz pa eludi exitosamente un di e antibiotico di prome liña.

Di e 2800 muestra di bacteria di pashent cu gonorea na China recoge na 2022, cerca di 98% resultado ta resisti e remedi ciprofloxacino, mientras cu cerca di 78% a resisti e tratamiento cu penicilina. Tambe, cerca di 17% di e muestranan a demostra di ta resistente na azitromicina y cefixima, mientras cu 8% a resulta inmuun na ceftriaxona, un porcentahe hopi superior n'esun registra pa otro pais.



E casonan di supergonorea resistente na antibiotico no ta nobo. Sinembargo, China ta registra un indice di 40 biaha superior na otro pais, manera Merca, Reino Uni y Canada, loke ta preocupa e dokternan.

Por ehempel na 2022, na Reino Uni, solamente 0,2% di e muestranan a muestra susceptibilidad reduci na ceftriaxoma, e mesun cantidad Merca a registra entre 2016 y 2020. Mientrastanto na Canada, e resistencia n'e mesun antibiotico aki tabata cerca di 0,6% entre 2017 y 2021.

Clasificados

SOLODIPUEBLO@GMAIL.COM
CEL. 585 9500

MARAVILLAS DE LA FE

Salud Suerte Amor

Aruba: 748-5671

Cartas di tarot

Bo ta sufrí di un malestar cu bo no por cura?
Bo ta victima di bruheria?
Bo plaka no ya jega?
Bo compra numbernan y bo no ta gana?
Bo ta bai casino y no puede tur bo plaka?
Bo tin problemanan di amor?
Bo pareja ta gañabo?
Fracaso. Soledad. Malesanan angustia. Mala suerte
Comunica na 748 56 71

ORACION DI DIA

Un feliz dia bendiciona colma cu hopi amor, fe y speransa den nos Bon Dios

Despues di un rato e cria a bisa su shon: 'Señor a cumpli cu bo ordo, ma toch a sobra luga!' (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta musta cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invitadonan pa e reino di Dios ta surpasa e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speransa cu nos tin lo haci nos contento (Rom.12: 12). Paso cerca Señor nos ta na paz manera un yiu cerca su mama (Salmo 131).

Oracion: Señor regala nos gracia pa nos comparti donnan conforme Bo boluntad y biba den harmonia cu otro.

Amen.

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 31 Maart 2024 Merdia		
CATOCCHI Sorteo # 4225 1543 9817 4369 fp BIG 4 Sorteo # 4225 2155 fp DFF Sorteo # 2281 2844 ZODIAC Sorteo # 4225 9604 Tauro LUCKY 3 Sorteo # 1099 996 fp	LOTTO 5 Sorteo # 0x Jackpot 0x Match 4+ 0x Match 4 0x Afl. 12,00 170.000,-	LOTTO DIA Sorteo # 4431 0x Jackpot 3x Match 4 102x Afl. 8,00 83.000,-
	MEGA Sorteo # 0x Jackpot 0x match 4 0x Afl. 500,00 0x Afl. 50,00 0x Afl. 15,00 320.000,-	MEGA Sorteo # 0x Jackpot 0x match 4 0x Afl. 500,00 0x Afl. 50,00 0x Afl. 15,00 Afl. 420.000,-
	KORSOU Sorteo # 	KORSOU Sorteo #

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 30 Maart 2024 Anochi		
CATOCCHI Sorteo # 8207 8720 9110 6668 x2 BIG 4 Sorteo # 7251 5471 fp DFF Sorteo # 1956 7013 ZODIAC Sorteo # 6010 7905 Leo LUCKY 3 Sorteo # 940 222 fp x5	LOTTO 5 Sorteo # 2480 0x Jackpot 0x Match 4+ 5x Match 4 160x Afl. 12,00 170.000,-	LOTTO DIA Sorteo # 6430 0x Jackpot 8x Match 4 162x Afl. 8,00 78.000,-
	MEGA Sorteo # 0x Jackpot 0x match 4 0x Afl. 500,00 0x Afl. 50,00 0x Afl. 15,00 320.000,-	MEGA Sorteo # 0x Jackpot 0x match 4 0x Afl. 500,00 0x Afl. 50,00 0x Afl. 15,00 Afl. 420.000,-
	KORSOU Sorteo # 	KORSOU Sorteo #



HOROSCOPO

2 di april 2024

Feliz y productivo dia. Awe Solo di Pueblo ta presenta bo horoscop pa diamars, 2 di april 2024.

Aries
Convivencia familiar trankilo. Economicamente, situacion favorable. Si bo ta busca novedad laboral, awe t'e dia. Confia den e remedinan casero pa alivia bo molesternan. Number di suerte: 76, 64, 6.

Tauro
Si bo no tin pareha, percura pa bo sali y conoce hende. Den asunto economico bo tin suerte na bo banda. Den bo trabao, bo a demostra loke bo bal, exige loke bo merece. Bo ta gosa di un bon salud y lo bo ta di bon humor. Number di suerte: 99, 87, 1.

Geminis
Bo tin sentimento expansivo, alegria y felicidad. Reserva placa pa cos realmente necesario. Siendo metodico den bo trabao, lo bo no tin problema. E dolor ey na bo stoma ta algo circunstancial. Number di suerte: 25, 57, 4.

Cancer
Bo yiunan lo proporciona momento di felicidad intenso. Bon fortuna den wega di suerte. Si bo ta inteligente, lo bo por gana hopi punto cu bo hefe. Lo bo tin dolor muscular sin importancia. Number di suerte: 77, 11, 6.

Leo
Lo bo haya comprension den bo pareha. Den tema di finansa, bo no mester

ta asina pesimista. Bo fidelidad na trabao ta hopi aprecia pa bo superiornan. Cuidao cu deporte di riesgo, tuma precaucion. Number di suerte: 76, 39, 8.

Virgo
Bo relacion lo mehora si tin mas dialogo. No conta cu entrada facil, suerte no ta na bo banda. No laga cu bo compańeronan perduda bo trabao. Si bo ta huma, purba di disminui e consumo. Number di suerte: 87, 35, 5.

Libra
Awe bo tin gana di pleita, purba evita bo pareha. Actividad extra ta produci ganashi importante. Jupiter planeta protector, lo yuda bo den bo trabao. Bo salud ta miho cada dia.

Number di suerte: 93, 74, 2.
Scorpio
Encuanto amor, abo tuma e iniciativa aworaki. Hunga catochi primitivo, suerte por ta di bo banda. Pone gana den bo trabao y lo bo mira e resultadonan. Si molester fisico persisti, acudi na bo dokter. Number di suerte: 48, 71, 7.

Sagitario
Laga e bon sentimentonan floria. Nan lo por propone bo un negoshi cu lo ta beneficioso. Bon suerte den e proyecto profesional aki. Bo salud ta preocupa bo, cuida bo mes mas. Number di suerte: 61, 15, 8.

Capricornio
No ignora un relacion satisfactorio. Controla personalmente bo asuntonan

financiero. No laga desgana mancha bo prestigio profesional. E wesonan por senti si bo haci di mas den deporte. Number di suerte: 93, 16, 4.

Acuario
Scucha mas di otro y no sea asina cabes duro. Mira pa bo futuro y no haci gasto inutil. Bo mester acepta actividad profesional nobo. Fenomenal si bo wanta un siman riba berdura, fruta y pisca. Number di suerte: 36, 68, 6.

Piscis
Bon dia pa regla e desordonan emocional. Repone bo economia prome cu bo gasta sin paracion. Contacto profesional nobo lo produci. No lubida e cuido di bo pianan. Number di suerte: 34, 46, 4.

Polisnan y ambulans a bay pa turista crucero cu a bira malo y a bira agresivo contra tur hende abordo




Diaranson anochi laat a drenta informe di cu tin un turista crucero cu a bira malo y a lanta contra tur hende abordo, mesora a dirigi tanto ambulans como polis na e sitio. Na

yegada di e patruyanan a bin compronde cu e ambulans a atende e turista y ta bahando e pa hib'e hospital.

Mientras e personal di

e agencia di barco a bay hiba e famia pa hospital. Mientras e crucero Equinox a bandona e waf y e agencia di barco lo regla pa e turistanan regresa nan pais.



PRONOSTICO DI TEMPO

VALIDO TE DIAMARS 02 DI APRIL 2024,
18:00 ORA
TEMPO:

AWE TARDI Y AWE NOCHI: PARCIALMENTE NUBLA Y GENERALMENTE SECO
DEN MARDUGA Y MAYAN: PARCIAMENTE NUBLA CU UN AWACERO PASAJERO

POTENCIAL DI AWACERO PA PROXIMO 24 ORA:

1 MM OF MENOS; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

AIRPORT : MAX 32 / MIN 27 / 0.0 MM
WESTPUNT: MAX 32 / MIN 26 / 0.0 MM
STA ROSA: MAX 32 / MIN 27 / 0.0 MM

PRONOSTICO DI TEMPO PA PROXIMO 3 DIANAN:

PARCIALMENTE NUBLA, CU UN AWACERO PASAJERO.

BIENTO LO TA MODERA FOR DI DIRECCION NOORDOOST
TE OOST, BASTA FUERTE TE FUERTE DEN RAFAGA.

TEMPERATURA (GRADO CELSIUS)

MAX / MIN LO TA: 32 / 26